



Katholische Pfarreien
Pleivs catolicas

Ilanz
Sagogn
Schluein
Sevgein



Ils tschun cudischs da Moses

INTRODUCZIUN E PROFUNDAZIUN

Igl onn 2022 ei il niev tom dalla bibla ecumena romontscha cumparius. Enteifer 4 seras vulein nus sefatschentar cun ils tschun cudischs da Moses ed emprender d'enconuscher il cuntegn, las impurtontas persunas ed il context dil cudisch.

LUNGATG

Las seras han liug en duas da nossas pleivs romontschas. Ei vegn referiu e discuriu en romontsch.

ANNUNZIAS

Entochen ils 13 da settember tier
Flurina Cavegn
seelsorgerin.ilanz@bluewin.ch
079 741 90 49

termins

*la participaziun a
tuttas seras ei
d'avantatg, denton
buca cundiziun*

SEVGEIN

CASA DA SCOLA VEGLIA

20-09-2023 allas 19.00-21.00

18-10-2023 allas 19.00-21.00

SAGOGN

CASA PERVENDA

19-01-2024 allas 19.00-21.00

23-02-2024 allas 19.00-21.00

finistrel
biblic



cuntegn

1 CUDISCH: GENESIS

Genesis munta per romontsch naschientscha, origin. En treis pass presentan ils texts igl origin dil pievel d'Israel: Sunter in sguard sin la scaffiziun vegn mirau sin las empremas generaziuns dil pievel eligiù, p.ex. sin Abraham e Sara. La finala s'avischinan ils raquents a Jacob ed a ses dudisch fegls.

2. CUDISCH: EXODUS

Il plaid exodus munta emigraziun ed indichescha la tematica centrala dil cudisch che descriva la liberaziun ed emigraziun dil pievel d'Israel ord la sclaveria dall'Egipta. Nus legin p.ex. dalla naschientscha da Moses, dallas diesch plagas ch'ei vegnidas sur l'Egipta e lu dil viadi da 40 onns tras il desiart.



3. CUDISCH: LEVITICUS

Il num dil cudisch sereferescha sin Levi, igl antenat dils Levits ed Aronits. Il cudisch cuntegn numerus uordens cultics tenor las ordas che Moses ha retschert da Diu. Ils texts survevan oriundamein surtut alla pratica cultica dils sacerdots ed all'instrucziun dil pievel.



4. CUDISCH: NUMERI

In num munta cefras e sereferescha sin la dumbraziun dil pievel. Ils raquents entscheivan al pei dil cuolm Sinai e relatan silsunter dil viadi entochen al cunfin da Canaan. Leu seprepara il pievel per entrar en la tiara empermesa.

5. CUDISCH: DEUTERONOMIUM

Deuteronomium munta **secunda lescha**. En differents puncts van las ordas sur l'emprema lescha ora che Moses veva dau al pievel al pei dil Sinai. Ei pertucca oravontut las leschas dil monoteissem, pia la cardientscha en sulet in Diu.